

# დაიჯესტი

---

7 – 15 აგვისტო, 2021



ტერორიზმის კვლევითი ცენტრი  
Terrorism Research Center

## ამერიკის შეერთებული შტატები

[რესპუბლიკელები მოუწოდებენ შიდა უსაფრთხოების დეპარტამენტს გაამჟღავნოს საზღვარზე დაკავებული იმ მიგრანტების ვინაობა](#), რომლებიც ირიცხებიან ტერორისტების სადამკვირვებლო სიაში.

[22 წლის ლანსინგელ მამაკაცს, მუზა მუუსს, ბრალად ედება ტერორისტული ორგანიზაცია დაემისთვის მატერიალური დახმარების გაწევა](#). აღნიშნულ პირს თავისუფლების აღკვეთის სახით, 78 თვიანი პატიმრობა და 10 წლიანი საშინაო პატიმრობა ემუქრება.

ამერიკის შეერთებულ შტატებში [დააპატიმრეს](#) მიანმარის ორი მოქალაქე, რომელთაც ბრალად ედებათ გაეროს ელჩზე თავდასხმის დაგეგმვა. საგამომიებო უწყებების მიხედვით, თავდასხმის მიზანს წარმოადგენდა ელჩის იძულება - დაეტოვებინა დაკავებული თანამდებობა.

## თურქეთი

სპეცოპერაციის ფარგლებში თურქეთის პოლიციამ მოკლა [სირიის მოქალაქე, რომელიც ტერორისტულ თავდასხმას გეგმავდა](#).

## სირია

სირიაში მდებარე ალ-ჰოლის ბანაკში მყოფი ერაყელები მზარდი ძალადობის შესახებ [იტყობინებიან](#). გასულ კვირას ბანაკში კიდევ ერთი ერაყელი მოკლეს. მკვლელობაში ეჭვიმტანილი დაემის ადგილობრივი ბლოკია.

## ირანი

ირანის ახალმა პრეზიდენტმა, ებრაჰიმ რაისიმ მინისტრთა კაბინეტი [წარადგინა](#). მინისტრთა შორისაა რევოლუციური გვარდიის ყოფილი გენერალი, რომელიც ამერიკის შეერთებული შტატების სახელმწიფო და ხაზინის დეპარტამენტების მიერ სანქცირებულია ტერორიზმთან დაკავშირებული საქმიანობის გამო.

## ერაყი

ერაყის არმიამ ოთხშაბათს დაემის წინააღმდეგ სამხედრო სპეცოპერაცია [დაიწყო](#). ოპერაციას მხარს უჭერს ერაყის საჰაერო ძალები და საერთაშორისო კოალიცია დაემის წინააღმდეგ.

დაემის მიერ დამონტაჟებულმა სახმელეთო ნაღმებმა 8 სამხედრო პირის სიცოცხლე [იმსხვერპლა](#). აფეთქება ოთხშაბათს მოხდა, როდესაც ერაყის სახელმწიფო არმია ქვეყნის ჩრდილოეთ ნაწილში სამხედრო სპეცოპერაციას ატარებდა.

## ლიბანი

პარასკევს ჰეზბოლამ ისრაელის მიმართულებით სარაკეტო [იერიში დაიწყო](#), რასაც ისრაელისგან საპასუხო რეაგირება მოჰყვა. ეს იყო თავდასხმების მესამე დღე ლიბანთან საზღვრის გასწვრივ, სადაც ისრაელსა და ირანის მიერ მხარდაჭერილ ჰეზბოლას შორის დამაბულობა პერიოდულად იზრდება.

## ეგვიპტე

ეგვიპტემ მუსლიმთა სამო ტერორისტული ორგანიზაციების სიაში [შეიყვანა](#). ამასთანავე, ეგვიპტის უზენაესმა სასამართლომ შავ სიაში შეიყვანა დაჯგუფებასთან აფილირებული 56 პირი.

## მალი

შეიარაღებული პირები თავს დაესხნენ მალის ჩრდილოეთით მდებარე რამდენიმე სოფელს. [თავდასხმის შედეგად დაიღუპა სულ მცირე 51 ადამიანი](#). ხელისუფლების განცხადებით მომხდარი წარმოადგენს საპასუხო რეაქციას რამდენიმე აჯანყებული ლიდერის დაკავებაზე.

[ისლამური თანამშრომლობის ორგანიზაციამ \(OIC\) დაგმო ტერორისტული თავდასხმა მალის რესპუბლიკის რამდენიმე სოფელზე, რომელმაც ათობით მშვიდობიანი მოქალაქე](#)

[იმსხვერპლა](#). OIC– მა კიდევ ერთხელ ხაზი გაუსვა თავის მკაცრ პოზიციას ტერორიზმის ყველა ფორმის წინააღმდეგ და მალის ხელისუფლებას სრული სოლიდარობა გამოუცხადა ტერორიზმის და ექსტრემიზმის წინააღმდეგ ბრძოლაში.

## ნიგერი

გამოცემა *The Defence Post*-ის სტატისტიკური მონაცემების მიხედვით, მიმდინარე წელს ჯიჰადისტების მიერ ორგანიზებულ ტერორისტულ თავდასხმებს ნიგერში 420 სამოქალაქო პირის სიცოცხლე [ემსხვერპლა](#).

ბოკო-ჰარამის მიერ 7 წლის წინ გატაცებული ნიგერიელი სკოლის მოსწავლე [თავისუფალია და ოჯახს დაუბრუნდა](#). რეთ ნგლადარ პოგუ სამხედროებს მეუღლესთან ერთად ჩაბარდა.

## მოზამბიკი

მოზამბიკის და რუანდის სამთავრობო ძალებმა კაბუ-დელგადუს პროვინციის ქალაქები - მოკიმბოა და პრაიდა [დაიკავეს](#). აღნიშნული ქალაქები დაეშთან აფილირებული სამხედრო ბლოკების კონტროლის ქვეშ იყო.

## ბურკინა-ფასო

სულ მცირე 12 ჯარისკაცი დაიღუპა კვირას ქვეყნის ჩრდილო-დასავლეთ რეგიონში მომხდარი ტერორისტული [თავდასხმის შედეგად](#).

## ავღანეთი

[თალიბანსა და ავღანეთის ხელისუფლებას შორის არსებული დაპირისპირება ბოლო ფაზაში შევიდა](#). 15 აგვისტოს თალიბანმა აიღო ავღანეთის დედაქალაქი - ქაბული. საერთაშორისო საზოგადოება აქტიურად თანამშრომლობს საერთაშორისო ორგანიზაციებთან და ცალკეული

ქვეყნების ხელისუფლებებთან ავღანეთიდან მოქალაქეების უსაფრთხო გამოყვანის მიზნით. ამ დროისათვის ავღანეთში საქართველოს 22 მოქალაქე რჩება, რომელთა გამოყვანაშიც საქართველოს მისი პარტნიორი - უკრაინა დაეხმარება.